

Broj: 101-8009/19 DŽS
Zenica, 30.05.2019. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-8007-1/19 DŽS od 30.05.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku – najam građevinskih mašina sa rukovaocem na lokalitetu grada Zenica po radnom satu prema potrebama naručioca

I

Poništava se postupak javne nabavke radova - najam građevinskih mašina sa rukovaocem na lokalitetu grada Zenica po radnom satu prema potrebama naručioca iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-6436/19 BS od 25.04.2019. godine.

Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma. Procijenjena vrijednost javne nabavke bez uračunatog PDV-a je 79.990,00 KM.

Dana 30.04.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-3-209-3-38/19 objavljena je i tenderska dokumentacija.

Poziv za preuzimanje tenderske dokumentacije broj: 713-6436-2/19 BS od 30.04.2019. godine upućen je sljedećim ponuđačima:

1. Orman d.o.o.
2. Geomax d.o.o. Tešanj
3. Almy d.o.o. Zenica
4. Špic beton d.o.o. Zenica
5. Euro-rent d.o.o. Sarajevo
6. Hajdić d.o.o. Maglaj
7. Inter d.o.o. Tešanj
8. IGM IUT Haskić d.o.o. Vitez
9. TKM d.o.o. Zenica
10. UNIGRADNJA d.o.o. Jelah-Tešanj
11. Merkez Oil Novi Travnik
12. Almy Transport d.o.o. Zenica

Na osnovu Izvještaja o preuzimanju tenderske dokumentacije od strane ponuđača od 30.05.2019. godine u 09:40 sati, utvrđeno je da su sljedeći ponuđači preuzeli tendersku dokumentaciju:

1. Almy Trasasport d.o.o.
2. Amplitudo d.o.o.
3. Flex Invest d.o.o.
4. Ekapija d.o.o.
5. IGM – IUT Haskić
6. ITC Zenica d.o.o.
7. Hajdić d.o.o.
8. BBS Europe
9. Centrotrans Tranzit d.d. Sarajevo
10. Špicbeton d.o.o. Zenica
11. Senhat d.o.o. Sarajevo
12. BB d.o.o.
13. Merkez Oil d.o.o.
14. Almy Gradnja d.o.o. Zenica
15. Fare-cop
16. TKM d.o.o. Zenica

Rok za dostavljanje ponuda je bio 17.05.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. BB – proizvodno prometno društvo d.o.o. Busovača
2. ŠPIC BETON d.o.o. Zenica
3. ALMY GRADNJA d.o.o. Zenica
4. IGM – IUT HASKIĆ d.o.o. Vitez

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 30.05.2019. godine direktoru preduzeća dostavila Izvještaj o radu broj: 716-8008/19 DžS od 30.05.2019. godine sa preporukom o poništenju postupka za nabavku – najam građevinskih mašina sa rukovaocem na lokalitetu grada Zenica po radnom satu prema potrebama naručioca.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 4 (četiri)
- da su blagovremeno zaprimljene 4 (četiri) ponude
- da nema neblagovremeno zaprimljenih ponuda
- ukupno 16 (šesnaest) ponuđača je preuzelo tendersku dokumentaciju sa portala javnih nabavki.

Dana 17.05.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji.

Komisija je izvršila i provjeru računске ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-8007/19 DžS od 30.05.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju, konkurentskog zahtjeva za dostavu ponuda broj: 713-6436-1/19 BS – Najam građevinskih mašina sa rukovaocem na lokalitetu grada Zenica po radnom satu prema potrebama naručioca, a tokom preliminarnog pregleda i ocjene prispjelih ponuda, Komisija je pregledom Aneksa 1 - Obrazac za cijenu ponude u konkurentskom postupku za dostavu ponuda broj: 713-6436-1/19 BS – Najam građevinskih mašina sa rukovaocem na lokalitetu grada Zenica po radnom satu prema potrebama naručioca, u ponudi ponuđača ŠPIC BETON d.o.o. Zenica konstatovala računsku grešku, i to:

1. Stavka 6. Utovar u transportno vozilo zemlje od iskopa u tlu VII kategorije i transport na deponiju, gdje je uočeno da ista iznosi 500,00 KM, a ne 5.000,00 KM kako je navedeno,

2. Stavka 7. Utovar u transportno vozilo zemlje od iskopa u tlu VIII- IX kategorije i transport na deponiju, gdje je uočeno da ista iznosi 500,00 KM, a ne 5.000,00 KM kako je navedeno.

Samim time, ukupna vrijednost ponude se mijenja. Tako, umjesto ukupne vrijednosti koja je navedena 145.040,00 KM bez PDV – a (odnosno 169.696,00 KM sa PDV – om), treba da stoji 136.040,00 KM bez PDV – a, odnosno 159.166,80 KM sa PDV – om.

Komisija je dana 21.05.2019. godine dopisom broj:716-7420-1/19BS uputila zahtjev za prihvatanje ispravke računске greške.

Dana 21.05.2019. godine pod brojem: 716-7613/19 na protokolu ugovornog organa je zaprimljena saglasnost ponuđača ŠPIC BETON d.o.o. Zenica na ispravku računске greške.

Uvidom u priloženu dokumentaciju, konkurentskog zahtjeva za dostavu ponuda broj: 713-6436-1/19 BS – Najam građevinskih mašina sa rukovaocem na lokalitetu grada Zenica po radnom satu prema potrebama naručioca, a tokom preliminarnog pregleda i ocjene prispjelih ponuda, Komisija je utvrdila, da je u ponudi ponuđača ALMY GRADNJA d.o.o. Zenica, cijena za predmetnu nabavku 105.530,00 KM bez obračunatog PDV – a niža za više od 20 % od cijene drugorangirane prihvatljive ponude, 136.040,00 KM bez obračunatog PDV – a (nakon ispravke računске greške), te je na osnovu navedenog, ispunjen uslov obaveznog traženja pojašnjenja cijena iz prethodno citiranog člana Uputstva za pripremu modela tenderske dokumentacije i ponuda.

Na temelju člana 66., stav 1 .Zakona i člana 17. stav 7. Uputstva za pripremu modela tenderske dokumentacije i ponuda (Službeni glasnik BiH, broj 90/14), Ugovorni organ je dopisom broj: 716-7421-1/19BS dana 22.05.2019. godine pozvao ponuđača da dostavi objašnjenje ponude.

Dana 23.05.2019. godine na protokolu ugovornog organa pod brojem: 716-7730/19 je zaprimljen dopis ponuđača ALMY GRADNJA d.o.o. Zenica sa objašnjenjem ponude. Komisija je nakon analize dostavljeno obrazloženje ocijenila prihvatljivim.

Ponuđač BB – proizvodno prometno društvo d.o.o. Busovača nije dostavio sadržaj ponude kako je traženo u tenderskoj dokumentaciji te nije na predviđenom mjestu upisao slovima cijenu ponude. Iz gore navedenog razloga ponuda ponuđača BB – proizvodno prometno društvo d.o.o. Busovača se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač IGM – IUT HASKIĆ d.o.o. Vitez nije na predviđenom mjestu upisao slovima cijenu ponude. Iz gore navedenog razloga ponuda ponuđača IGM – IUT HASKIĆ d.o.o. Vitez se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđači ALMY GRADNJA d.o.o. Zenica i ŠPIC BETON d.o.o. Zenica su dostavili formalno-pravno i tehnički zadovoljavajuće ponude kao i tražene dokaze o preferencijalnom tretmanu domaćeg.

Ugovorni organ je, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 30.05.2019. godine, u terminu od 09:00 sati.

Ponude ponuđača, prije početka e-aukcije su:

1. ALMY GRADNJA d.o.o. Zenica, sa ukupnom cijenom ponude u iznosu od 105.530,00 KM bez PDV-a
 2. ŠPIC BETON d.o.o. Zenica, sa ukupnom cijenom ponude u iznosu od 136.040,00 KM, bez PDV-a
- E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. ALMY GRADNJA d.o.o. Zenica, sa ukupnom cijenom ponude u iznosu od 105.530,00 KM bez PDV-a
- 2.ŠPIC BETON d.o.o. Zenica, sa ukupnom cijenom ponude u iznosu od 136.040,00 KM, bez PDV-a

Polazeći od navedenih konstatacija, a uzimajući u obzir član 87. stav (2) Zakona o javnim nabavkama prema kojem ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost za nabavku radova manja od iznosa od 80.000,00 KM, te da su i nakon provedene e-aukcije cijene ponuda iznad procijenjene vrijednosti za predmetnu nabavku, Komisija je ocijenila da nijedna ponuda nije prihvatljiva za ugovorni organ (član 68. , stav (4), tačka (j) ZJN).

Shodno prethodno navedenom, Komisija je u skladu sa odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom dala Preporuku da se poništi postupak nabavke - najam građevinskih mašina sa rukovaocem na lokalitetu grada Zenica po radnom satu prema potrebama naručioca iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Pašalić Emir
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir. za razvoj i investicije
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a